



盛唐彙詩卷第三十八

四庫彙詩二百八

長安郭振鐸西諸子名

新都

吳勉學

編輯

江晏如 校訂

五言古體

讌遊 閒適

閒居

儲光羲

薄遊何所媿所媿在閒居親故不來往中園時
讀書步欄滴餘雪春塘抽新蒲梧桐漸覆井時
鳥自相呼悠然念故鄉乃在天一隅安得如浮

雲來往方須臾

郡齋閒坐

岑參

負郭無良田
屈身徇微祿
平生好踈曠
何事就羈束
幸曾趨丹墀
數得侍黃屋
故人盡榮寵
誰念此幽獨
州縣非宿心
雲山欣滿目
頃來廢章句
終日披案牘
佐郡竟何成
自悲徒碌碌

灞上閒居

王昌齡

鴻都有歸客
偃卧滋陽村
軒冕無枉顧
清川照我門
空林網夕陽
寒鳥赴荒園
廓落時得意
懷

哉莫與言
庭前有孤鶴
欲啄常翩翩
爲我銜素書
弔彼顏與原
二君旣不朽
所以慰其冤

獨遊

王昌齡

林卧情每閒
獨遊景常晏
時從灞陵下
垂釣往南澗
手携雙鯉魚
目送千里鴈
悟彼飛有適
知此罹憂患
放之清泠泉
因得省踈慢
永懷青岑客
迴首白雲間
神超物無違
豈繫名與宦

屏跡

杜甫

羨爾昔屏跡
幽事供高卧
鳥下竹根行
龜開萍

棄遺年荒酒價乏日併園蔬課猶酌甘泉歌歌
長擊樽破

林卧

岑參

偶得魚鳥趣復茲水木涼遠峯帶雨色落日搖
川光日中西山藥袖裏淮南方唯愛隱几時獨
遊無何鄉

齋心

王昌齡

女蘿覆石壁谿水幽朦朧紫葛蔓黃花娟娟寒
露中朝飲花上露夜卧松下風雲英化爲水光

采與我同日月蕩精鬼寥寥天府空

江上琴興

常建

江上調玉琴一絃清一心泠泠七絃遍萬木澄
幽陰能使江月白又令江水深始知枯桐枝可
以徽黃金

田園作

孟浩然

敝廬隔塵喧惟先尚恬素卜隣近三徑植果盈
千樹粵余任推遷三十猶未遇書劒時將晚丘
園日已暮晨興自多懷晝坐常寡悟冲天羨鴻

鷓鴣爭食嗟雞鶩望斷金馬門勞歌采樵路鄉曲
無知已朝端乏親故誰能爲楊雄一薦甘泉賦

采樵作

孟浩然

采樵入深山山深樹重疊橋崩卧槎擁路險垂
藤接日落伴將稀山風拂蘿衣長歌負輕策平
望野煙歸

田家

楊顏

小園足生事尋勝日傾壺蒔蔬利於鬻纔青摘
已無四鄰依野竹日夕采其枯田家心適時春

色遍桑榆

田家卽事

儲光義

蒲葉日已長荇花日已滋老農要看此貴不違
天時迎晨起飯牛雙駕耕東菑蚯蚓土中出田
鳥隨我飛羣合亂啄噪嗷嗷如道饑我心多惻
隱顧此兩傷悲撥食與田鳥日暮空筐歸親戚
更相誚我心終不移

田家卽事

祖詠

舊居東臯上左右俯荒村樵路前傍嶺田家遙

對門歡娛始披拂，愜意在郊原。餘霽蕩川霧，新
秋仍晝昏。攀條憩林麓，引水開泉源。稼穡豈云
倦，桑麻今正繁。方求靜者賞，偶與潛夫論。雞黍
何必具，吾心知道尊。

渭川田家

王維

斜光照墟落，窮巷牛羊歸。野老念牧童，倚杖候
荆扉。雉雊麥苗秀，蠶眠桑葉稀。田夫荷鋤至，相
見語依依。卽此羨閒逸，悵然吟式微。

春中田園作

王維

屋上春鳩鳴，村邊杏花白。持斧伐遠楊，荷鋤覘
泉脉。歸燕識故巢，舊人看新曆。臨觴忽不御，惆
悵遠行客。

行次田家澳梁作

儲光羲

田家俯長道，邀我避炎氛。當暑日方晝，高天無
片雲。桑間禾黍氣，柳下牛羊羣。野雀栖空屋，晨
風不復聞。前登澳梁坂，極望溫泉分。逆旅方三
舍，西山猶未曛。

偶然作六首

王維

盛唐集詩 卷三十八 五
楚國有狂夫茫然無心想散髮不冠帶行歌南
陌上孔丘與之言仁義莫能獎未嘗肯問天何
事須擊壤復笑采薇人胡爲乃長往

又

田舍有老翁垂白衡門裏有時農事閑斗酒呼
隣里喧聒茅簷下或坐或復起短褐不爲薄園
葵固足美動則長子孫不曾向城市五帝與三
王古來稱君子干戈將揖讓畢竟何者是得意
苟爲樂野田安足鄙且當放懷去行行沒餘齒

又

自說苦
日夕見太行沈吟未能去問君何以然世網嬰
我故小妹日成長兄弟未有娶家貧祿旣薄儲
蓄非有素幾迴欲奮飛踟躕復相顧孫登長嘯
臺松竹有遺處相去詎幾許故人在中路愛染
日已薄禪寂日已固忽乎吾將行寧俟歲云暮

又

陶潛任天真其性頗耽酒自從棄官來家貧不
能有九月九日時菊花空滿手中心竊自思儻

有人送否白衣攜壺觴果來遺老叟且喜得斟
酌安問升與斗奮衣野田中今日嗟無負兀傲
迷東西蓑笠不能守傾倒强行行酣歌歸五柳
生事不曾問肯媿家中婦

又

趙女彈箜篌復能邯鄲舞夫婿輕薄兒鬪雞事
齊主黃金買歌笑用錢不復數許史相經過高
門盈四牡客舍有儒生昂藏出鄒魯讀書三十
年腰下無尺組被服聖人教一生自窮苦

又

老來懶賦詩惟有老相隨宿世謬詞客前身應
畫師不能捨餘習偶被時人知名字本皆是此
心還不知

同王十三維偶然作十首 儲光義

仲夏日中時艸木看欲焦田家惜功力把鋤來
東臯顧望浮雲陰往往誤傷苗歸來悲困極兄
嫂共相饒無錢可沽酒何以解劬勞夜深星漢
明庭宇虛寥寥高柳三五株可以獨逍遙

又
北山種松柏南山種蒺藜出入雖同趣所向各有宜孔丘貴仁義老氏好無爲我心若虛空此道將安施暫過伊闕間耽晚三伏時高閣入雲中芙蓉清滿池要自非我室還望南山陞

又

野老本貧賤冒雨鋤瓜田一畦未及終樹下高枕眠荷篠者誰子皤皤來息肩不復問鄉墟相見但依然腹中無一物高話羲皇年落日臨層

隅逍遙望晴川使婦提蠶筐呼兒傍漁船悠悠泛綠水去摘浦中蓮蓮花豔且美使我不能還

又

浮雲在虛空隨風復卷舒我心方處順動作何憂虞但言嬰世網不復得閒居迢遞別東國超遙來西都見人乃恭敬曾不問賢愚雖若不能言中心亦難誣故鄉滿親戚道遠情日踈偶欲陳此意復無南飛鳧

又

草木花葉生相與命爲春當非草木意信是故
時人靜念惻羣物何由知至真狂歌問夫子夫
子莫能陳鳳凰飛且鳴容裔下天津清淨無言
語茲焉庶可親

又

黃河流向東弱水流向西趨舍各有異造化安
能齊妾本邯鄲女生長在叢臺旣聞容見寵復
想玄爲妻刻畫尚風流幸會君招攜逶迤歌舞
座婉變芙蓉閨日月方向除恩愛忽焉睽棄置

誰復道但悲生不諧羨彼匹婦意偕老常同棲

又

日暮登春山山鮮雲復輕遠近看春色踟躕新
月明仙人浮丘公對月時吹笙丹鳥飛熠熠蒼
蠅亂營營羣動汨吾真訛言傷我情安得如子
晉與之遊太清

又

耽耽銅鞮宮遙望長數里賓客無多少出入皆
珠履朴儒亦何爲辛苦讀舊史不道無家舍効

他養妻子列列玄冬暮衣裳無準擬偶然著道
書神人養生理公卿時見賞賜賚難具紀莫問
身後事且論朝夕是

又

空山暮雨來衆鳥竟棲息斯須照夕陽雙雙復
撫翼我念天時好東田有稼穡浮雲蔽川原新
流集溝洫徘徊顧衡宇僮僕邀我食卧覽牀頭
書睡看機中織想見明膏煎中夜起唧唧

又

四鄰競豐屋我獨好卑室窈窕高臺中時閑撫
清瑟狂飈動地起拔木乃非一相顧始知悲中
心憂且慄蚩蚩命子弟恨不居高秩日入賓從
歸清晨冠蓋出中庭有奇樹榮早衰復疾此道
猶不知微言安可述

田家雜興八首

儲光義

春至鷓鴣鳴薄言向田野不能自力作黽勉娶
鄰女旣念生子孫方思廣園圃閑時相顧笑喜
悅好禾黍夜夜登嘯臺南望洞庭渚百艸被霜

露秋山響砧杵却羨故年時中情無所取

又

衆人耻貧賤相與尚膏腴我情既浩蕩所樂在
畋漁山澤時晦暝歸家暫閑居滿園植葵藿繞
屋樹桑榆禽雀知我閑翔集依我廬所願在優
游州縣莫相呼日與南山老兀然傾一壺

又

逍遙阡陌上遠近無相識落日照秋山千巖同
一色網罟繞深莽鷹鷂始輕翼獵馬既如風奔

獸莫敢息駐旗滄海畔犒士吳宮側楚國有夫
人性情本貞直鮮禽徒自致終歲竟不食

又

田家趨隴畝當晝掩虛關鄰里無煙火兒童共
幽閒桔槔懸空圃雞犬滿桑間須臾農事隙采
藥遊名山但願所采多不言路險艱人生如蜉
蝣一往不可攀君看西王母千歲美容顏

又

貧士養情性不復知憂樂去家行賣菴畱滯南

陽郭秋至黍苗黃無人可刈獲孺子朝來飯把
竿逐鳥雀忽見梁將軍乘車出宛洛意氣軼道
路光輝滿墟落安知負薪者啞啞笑輕薄

又

楚山有高士梁國有遺老築室旣相鄰向田復
同道糗糒常共飯兒孫每更抱忘此耕耨勞愧
彼風雨好蟋蟀鳴空澤鷓鴣傷秋草日夕寒風
來衣裳苦不單

又

梧桐蔭我門薜蘿網我屋超超兩夫婦朝出暮
還宿稼穡旣自務牛羊還自牧日旰懶耕鋤登
高望川陸空山足禽獸墟落多喬本白馬誰家
兒聯翩相馳逐

又

種桑百餘樹種黍三十畝衣食旣有餘時時會
親友夏來菰米飯秋至菊花酒孺人喜逢迎稚
子解趨走日暮閑園裏團團蔭榆柳酩酊乘夜
歸涼風吹戶牖清淺望河漢低昂看北斗數甕

猶未開明朝能飲否

盛唐彙詩卷第三十八

四唐彙詩二百八

盛唐彙詩卷第三十九

四唐彙詩二百九

新都 吳勉學 編輯

江晏如 校訂

五言古體

讌遊

與元丹丘方城寺談玄作 李白

茫茫大夢中惟我獨先覺
騰轉風火來假合作
容貌滅除昏疑盡
領略入精要澄慮觀此身
因得通寂照朗悟前後際
始知金仙妙幸逢禪居

人酌玉坐相名彼我俱若喪雲山豈殊調清風
生虛空明月見談笑怡然青蓮宮永願恣遊眺
獨酌
李白
春草如有意羅生玉堂陰東風吹愁來白髮坐
相侵獨酌勸孤影間歌面芳林長松爾何知蕭
瑟爲誰吟手舞石上月膝橫花間琴過此一壺
外悠悠非我心

月下獨酌四首

李白

花間一壺酒獨酌無相親舉杯邀明月顧影成

三人月旣不解飲影徒隨我身暫伴月將影行
樂須及春我歌月徘徊我舞影凌亂醒時又交
歡醉後各分散永結無情遊相期邈雲漢

又

天若不愛酒酒星不在天地若不愛酒地應無
酒泉天地旣愛酒愛酒不愧天已聞清比聖復
道濁如賢賢聖旣已飲何必求神仙三杯通大
道一斗合自然但得醉中趣勿爲醒者傳

又

三月咸陽城千花晝如錦誰能春獨愁對此徑
須飲窮通與修短造化夙所稟一樽齊死生萬
事固難審醉後失天地兀然就孤枕不知有吾
身此樂最爲甚

又

窮愁千萬端美酒三百杯愁多酒雖少酒傾愁
不來所以知酒聖酒酣心自開辭粟卧首陽屢
空饑顏回當代不樂飲虛名安用哉蟹螯卽金
液糟丘是蓬萊且須飲美酒乘月醉高臺

春日獨酌二首

李白

東風扇淑氣水木榮春輝白日照綠草落花散
且飛孤雲還空山衆鳥各已歸彼物皆有託吾
生獨無依對此石上月長歌醉芳菲

又

我有些紫霞想緬懷滄洲間思對一壺酒澹然萬
事閒橫琴倚高松把酒望遠山長空去鳥沒落
日孤雲還但恐光景晚宿昔成秋顏

友人會宿

李白

滌蕩千古愁，留連百壺飲。良宵宜清談，浩然誰
能寢。醉來卧空山，天地即衾枕。

百丈谿新理茅茨讀書

閻防

浪迹棄人世，還山自幽獨。始傍巢由蹤，吾其獲
心曲。荒庭何所有，老樹半空腹。秋蜩鳴北林，暮
鳥穿我屋。栖遲樂遵渚，恬曠寡所欲。開卦推盈
虛，散帙攻節目。養閒度人事，達命知止足。不學
東國儒，俟時勞伐幅。

山中春思

獨孤及

瀨祭川水大人家，春日長獨謠。晝不暮搔首，慚
年芳靡草。知節換含葩，向新陽不嫌。三徑深爲
我生，池塘亭午井竈閑。雀聲響空倉，花落沒屐
齒。風動羣木香，歸路雲水外。天涯杳茫茫，獨卷
萬里心。深入山鳥行，芳景勿相迫。春愁未遽忘。

瓜園詩

并序

王維

維瓜園高齋俯視南山形，勝二三時輩同賦。
是詩兼命詞英數公，同用園字爲韻。韻任多
少，時太子司議郎薛璩發此題，遂同諸公云。

余適欲鋤瓜倚鋤聽叩門鳴騶導驄馬常從夾
朱軒窮巷正傳呼故人儻相存攜手追涼風放
心望乾坤藹藹帝王州宮觀一何繁於端出綺
道殿頂搖華幡素懷在青山若值白雲屯迴風
城西雨返景原上村前酌盈樽酒往往聞清言
黃鸝轉深木朱槿照中園猶羨松下客石上聞
清猿

山中作

沈千運

棲隱別無事所願離風塵不辭城邑遊禮樂拘

束人邇來歸山林庶事皆吾身何者爲形骸辨
智與諸仁寂寞了閑事而後知天真咳唾矜榮
華迂俯相屈伸何如巢與由天子不得臣

終南山雙峯草堂作

岑參

斂迹歸山田息心謝時輩晝還草堂卧但與雙
峯對興來恣佳遊事愜符勝槩著書高牕下日
夕見城內曩爲世人誤遂負平生愛久與林壑
辭及來松杉大偶茲精廬近數預名僧會有時
逐樵漁盡日不冠帶岩口上新月石門破蒼靄

色向羣木深光搖一潭碎緬懷鄭生谷頗憶嚴
子瀨勝事猶可追斯人邈千載

風涼原上作

王昌齡

陰岑宿雲歸煙霧濕松柏風淒日初晚下嶺望
川澤遠山無晦明秋水千里白佳氣盤未央聖
人在凝碧關門阻天下信是帝王宅海內方晏
然廟堂有奇策時貞守全運罷去遊說客予忝
蘭臺人幽尋免貽責

漣陽亭作

有序

元結

初得漣泉則爲亭於泉上因開簷溜又得石
渠泉渠相宜亭更加好以亭在泉北故命之
曰漣陽亭

問吾常讌息泉上何處好獨有漣陽亭令人可
終老前軒臨漣泉憑几漱清流外物自相擾淵
淵還復休有時出東戶更欲簷下坐非我意不
行石渠能畱我峰石若鱗次欹垂復旋迴爲我
引漣泉泠泠簷下來天寒宜泉溫泉寒宜天暑
誰到漣陽亭其心肯思去

緱山西峰草堂作

岑參

結廬對中嶽青翠常在門遂耽水木興盡作漁
樵言頃來闕章句但欲開心曩日色隱空谷蟬
聲喧暮村曩聞道士語偶見清淨源隱几閱吹
葉乘秋眺歸根獨遊念求仲開徑招王孫片雨
下南澗孤峯出東原棲遲慮益澹脫略道彌敦
野靄晴拂枕客帆遙入軒尚平今何在此意誰
與論佇立雲去盡蒼蒼月開園

石魚湖上作

有序

元結

漣泉南上有獨石在水中狀如遊魚魚凹處
修之可以踞酒水涯四匝多欹石相連石上
堪人坐水能浮小舫載酒又能繞石魚洄流
乃命湖曰石魚湖鐫銘於湖上顯示來者又
作詩以歌之

吾愛石魚湖石魚在湖裏魚背有酒樽繞魚是
湖水兒童作小舫載酒勝一杯座中令酒舫空
去復滿來湖岸多欹石石下流寒泉醉中一盃
漱快意無比焉金玉吾不須軒冕吾不愛且欲

坐湖畔石魚長相對

登雲中

元季川

灌田東山下取樂在爾休清興相引行日日三
四周白鷗與我心不厭此中遊窮覽頗有適不
極趣無幽慘然歌采薇曲盡心悠悠

寺居清晨

劉復

高枕對曉月衣巾清且涼露華朝未晞滴瀝含
虛光隔竹聞汲井開扉見焚香幽心感衰病結
念依法王青冥早雲飛杳靄空鳥翔此情皆有

釋悠然知所忘

失題

林琨

清晨孤亭裏極目對前岑遠與天水合長霞生
夕林蒼然平楚意杳靄半秋陰落日川上盡關
城雲外深方予事巖壑及此欲抽簪詩就蓬山
道還茲契宿心

泉上雨後作

元季川

風雨蕩煩暑雷息佳霽初衆峯帶雲色秋氣入
我廬颯颯涼飈來窺臨愜所圖綠蘿長新蔓裊

裏垂座隅流水復簷下丹砂發清渠養葛爲我
衣種芋爲我蔬誰是畹與畦瀟漫連野蕪

山下晚晴

崔曙

寥寥遠天淨谿路何空濛斜光照疎雨秋氣生
白虹雲淨山色暝蕭條西北風故林歸宿處一
葉下梧桐

和李起居秋夜之作

薛奇童

過庭聞禮日趨侍記言迴獨卧玉牕前卷簾殘
雨來高秋南斗轉涼夜北堂開水影入朱戶螢

光生綠苔簡成良史筆年是洛陽才莫重白雲
意時人許上台

納涼

王維

喬木萬餘株清流貫其中前臨大川口谿達來
長風漣漪涵白沙素鮪如遊空偃卧盤石上翻
濤沃微躬漱流復濯足前對釣魚翁貪餌凡幾
許徒思蓮葉東

樊上漫作

元結

漫家郎亭下復在樊水邊去郭五六里扁舟到

門前山竹遶茅舍庭中有寒泉西邊雙石峯引
望堪忘年四鄰皆漁父近渚多閑田且欲學耕
釣于斯求老焉

與茗粥作

儲光羲

當晝暑氣盛鳥雀靜不飛念君高梧陰復解山
中衣數片遠雲度曾不蔽炎暉淹畱膳茶粥共
我飯蕨薇敝廬既不遠日暮徐徐歸

過李揖宅

王維

閑門秋草色終日無車馬客來深巷中大吠寒

林下散髮時未簪道書行尚把與我同心人樂
道安貧者一罷宜城酌還歸洛陽社

過王判官西津所居

岑參

勝迹不在遠愛君池館幽素懷巖中諾死得塵
外遊何必到清谿忽來見滄洲潛移岷山石暗
引巴江流樹密晝先夜竹深夏已秋沙鳥上筆
牀谿花簞簾鈎夫子賤簪冕注心向林丘落日
出公堂垂綸乘釣舟賦詩憶楚老載酒隨江鷗
翛然一傲吏獨在西津頭

過汪氏別業二首

李白

遊山誰可遊子明與浮丘壘嶺礙河漢連峯橫
斗牛汪生面北阜池館清且幽我來感意氣相
魚列珍羞掃石待歸月開池漲寒流酒酣益爽
氣爲樂不知秋

又

疇昔未識君知君好賢才隨山起館宇鑿石營
池臺星火五月中景風從南來數枝石榴發一
丈荷花開恨不當此時相過醉金壘我行植木

落月苦清猿哀永夜達五更吳歛送瓊杯酒酣
欲起舞四座歌相催日出遠海明軒車且徘徊
更遊龍潭去枕石拂莓苔

朝下過盧郎中敘舊遊

李白

君登金華省我入銀臺門幸逢聖明主俱承雲
雨恩復此休浣時閑爲疇昔言却話山海事宛
然林壑存明湖思曉月疊嶂憶清猿何由返初
服田野醉芳樽

下終南山過斛斯山人宿置酒

暮從碧山下山月隨人歸却顧所來徑蒼蒼橫
翠微相攜及田家童稚開荆扉綠竹入幽軒青
蘿拂行衣歡言得所憩美酒聊共揮長歌吟松
風曲盡河星稀我醉君復樂陶然共忘機

李白

雨過蘇端

杜甫

雞鳴風雨交久旱雨亦好杖藜入春泥無食起
我早諸家憶所歷一飯跡便掃蘇侯得數過歡
喜每傾倒也復可憐人呼兒具梨棗濁醪必在

眼盡醉攄懷抱紅稠屋角花碧委墻隅艸親賓
縱談謔喧鬧慰衰老況蒙霈澤垂糧粒或自保
妻孥隔軍壘撥棄不擬道

謁璿上人

并序

王維

上人外人內天不定不亂捨法而淵泊無心
而雲動色空無碍不物物也默語無際不言
言也故吾徒得神交焉玄關大啓德海羣泳
時雨旣降春物具美序於詩者人百其言
少年不足言識道年已長事往安可悔餘生幸

盛唐真詩 卷三十九
能養誓從斷臂血不復嬰世網浮名寄纓佩空
性無羈鞅夙承大導師焚香此瞻仰頽然居一
室覆載紛萬象高柳早鶯啼長廊春雨響牀下
阮家展牕前筇竹杖方將見身雲陋彼示天壤
一心在法要願以無生獎

謁文公上方

杜甫

野寺隱喬木山僧高下居石門日色異絳氣橫
扶踈窈窕入風磴長蘿紛卷舒庭前猛虎卧遂
得文公廬俯視萬家邑煙塵對堦除吾師雨花

外不下十年餘長者自布金禪龕只晏如大珠
脫玷翳白月當空虛甫也南北人蕪漫少耘鋤
久遭詩酒汚何事忝簪裾王侯與螻蟻同盡隨
丘墟願聞第一義回向心地初金篦刮眼膜價
重百車渠無生有汲引茲理儻吹嘘

謁李尊師

奚賈

萬物返常性唯道貴自然先生容其微隱几爲
列仙鍊魄閉瓊戶養毛飛洞天將知道遙久得
道無歲年

尋西山隱者不遇

丘爲

絕頂一茅茨直下三十里
扣關無僮僕窺室唯
案几若非巾柴車應是釣秋水
差池不相見
甞俛空仰止草色新雨中
松聲晚牕裏及茲契幽
絕自足蕩心耳雖無賓主意頗得清淨理
興盡
方下山何必待之子

尋香山湛上人

孟浩然

朝遊訪名山山遠在空翠
氛氲亘百里日入行
始至杖策尋故人解鞍暫停騎
石門殊豁險篁

逕轉深邃法侶欣相逢
清談曉不寐平生慕真
隱累日求奇異野老朝入田
山僧暮歸寺松泉
多逸響苔壁饒古意
谷口聞鐘聲林端識香氣
願言投此山身世永相棄

尋鞏縣南李處士別業

岑參

先生近南郭茅屋臨東川
桑葉隱村戶蘆花映
釣船有時著書暇盡日牕中眠
且喜閭井近灌
田同一泉

盛唐彙詩卷第二十九

四唐彙詩二百九

田田一泉

陸游詩
田田一泉
陸游詩
田田一泉

尋高鳳石門山中元丹丘

李白

尋幽無前期乘興不覺遠蒼崖渺難涉白石忽

欲晚未窮三四山已歷千萬轉寂寂聞猿愁行

行見雲收高松上好月空谷宜清秋谿深古雪

盛唐彙詩卷第四十

四唐彙詩二百十

新都

吳勉學 編輯

江晏如 校訂

五言古體

讌遊

尋高鳳石門山中元丹丘 李白

尋幽無前期乘興不覺遠蒼崖渺難涉白石忽
欲晚未窮三四山已歷千萬轉寂寂聞猿愁行
行見雲收高松上好月空谷宜清秋谿深古雪

在石斷寒泉流峯巒秀中天登眺不可盡丹丘
遙相呼顧我忽而哂遂造窮谷間始知靜者閑
畱歡達永夜清曉方言還

夜泛洞庭尋裴侍御清酌 李白

日晚湘水綠孤舟無端倪明湖漲秋月獨泛巴
陵西遇憩裴逸人巖居陵丹梯抱琴出深竹爲
我彈鶉雞曲盡酒亦傾北牕醉如泥人生且行
樂何必組與珪

尋山僧不遇作

李白

石徑入丹壑松門閉青苔閑階有鳥跡禪室無
人開窺牕見白拂挂壁生塵埃使我空歎息欲
去仍徘徊香雲徧山起花雨從天來已有空樂
好況聞清猿哀了然絕世事此地方悠哉

晦日尋崔戢李封

杜甫

朝光入甕牖尸寢驚敝裘起行視天宇春氣漸
和柔興來不暇懶今晨梳我頭出門無所待徒
步覺自由杖藜復恣意免值公與侯晚定崔李
交會心真罕儔每過得酒傾二宅可淹畱喜結

仁里歡況因令節求李生園欲荒舊竹頗脩脩
引客看掃除隨時成獻酬崔侯初筵色已畏空
樽愁未知天下士至性有此不草牙旣青出蜂
聲亦煖遊思見農器陳何當甲兵休上古葛天
民不貽黃屋憂至今阮籍等熟醉爲身謀威鳳
高其翔長鯨吞九州地軸爲之翻百川皆亂流
當歌欲一放淚下恐莫收濁醪有妙理庶用慰
沉浮

出關經華嶽寺訪法華雲公

岑參

野寺聊解鞍偶見法華僧開門對西嶽石壁青
稜層竹徑厚蒼苔松門盤紫藤長廊列古畫高
殿懸孤燈五月山雨熱三峯火雲蒸側聞樵人
言深谷猶積氷久願尋此山至今嗟未能謫官
忽東走王程苦相仍欲去戀雙樹何由窮一乘
月輪吐山郭夜色空清澄

玩月金陵城西孫楚酒樓達曙歌吹日
晚乘醉着紫綺裘烏紗巾與酒客數人

掉歌秦淮往石頭訪崔四侍御

李白

昨翫西城月青天垂玉鈎朝沽金陵酒歌吹孫
楚樓忽憶繡衣人乘船往石頭草裏烏紗巾倒
被紫綺裘兩岸拍手笑疑是王子猷酒客十數
公崩騰醉中流謔浪掉海客喧呼傲陽侯半道
逢吳姬卷簾出揶揄我憶君到此不知狂與羞
月下—見君三杯便迴橈捨舟共連袂行上南
渡橋興發歌淶水秦客爲之謳雞鳴復相招清

宴逸雲霄贈我數百字字字凌風颺繫之衣裘
上相憶每長謠

家園卧疾畢太祝曜見尋 孟浩然

伏枕舊遊曠筍簞勞夢思平生重交結迨此令
人疑冰室無煖氣炎雲空赫曦隙駒不暫駐日
聽涼蟬悲壯圖哀未立斑白恨吾衰夫子自南
楚緬懷嵩汝期顧予衡茅下兼致稟物資脫分
趨庭禮殷勤伐木詩脫君車前鞅設我園中葵
斗酒須寒興明朝難重持

白雲先生王迥見訪

孟浩然

閑歸日無事雲卧晝不起有客欵柴扉自云巢
居子居閑好芝朮采藥來城市家在鹿門山常
遊澗澤水手持白羽扇脚步青芒履聞道鶴書
徵臨流還洗耳

趙十四兄見訪

王昌齡

客來舒長簟開閣延清風但有無絃琴共君盡
樽中晚來當讀易頃者欲還嵩世事何須道黃
精且養蒙嵇康殊寡識張翰獨知終忽憶鱸魚

鱸扁舟往江東

蘇大侍御訪江浦賦八韻記異

并序

蘇大侍御渙靜者也旅於江側凡是不交州
府之客人事都絕久矣肩輿江浦忽訪老夫
舟楫而已茶酒內余請誦近詩肯吟數首才
力素壯詞句動人接對明日憶其湧思雷出
書篋几杖之外殷殷留金石聲賦八韻記異
亦記老夫傾倒於蘇至矣

龐公不浪出蘇氏今有之再聞誦新作突過黃
初詩乾坤幾反覆揚馬宜同時今晨清鏡中勝
食齋房芝余髮喜却變白聞生黑絲昨夜舟火
滅湘娥簾外悲百靈未敢散風破寒江遲

夏日李公見訪

遠林暑氣薄公子過我遊貧居類村塢僻近城
南樓傍舍頗淳朴所願亦易求隔屋喚西家借
問有酒不墻頭過濁醪展席俯長流清風左右
至客意已驚秋巢多衆鳥鬪葉密鳴蟬稠苦遭

此物聒孰謂吾廬幽水花晚色靜庶足充淹留
豫恐樽中盡更起爲君謀

潯陽陶氏別業

劉春虛

陶家習先隱種柳長江邊朝夕潯陽郭白衣來
幾年霽雲明孤嶺秋水澄寒天物象自清曠野
情何繇聯蕭蕭丘中賞明宰非徒然願守黍稷
稅歸耕東山田

裴尹東谿別業

李頎

公才廊廟器官亞河南守別墅臨都門驚湍激

前後舊交與羣從十日一携手幅巾望寒山長
嘯對高柳清歡信可尚散吏亦何有岸雪青城
陰水光遠林首閑觀野人後或飲川上酒幽雲
澹徘徊白鷺飛左右庭竹垂卧內村煙隔南阜
始知物外情簪紱同芻狗卷天吟來自武觀程
白水縣崔少府十九翁高齋三十韻

杜甫

客從南縣來浩蕩無與適旅食白日長况當朱
炎赫高齋坐竹杪信宿游衍闋清晨陪躋攀傲

睨俯峭壁崇岡相枕帶曠野懷咫尺始知賢主
人贈此遣愁寂危堦根清冥曾氷生浙瀝上有
無心雲下有欲落石泉聲聞復息動靜隨所激
鳥呼藏其身有似懼彈射吏隱適性情茲焉其
窟宅白水見舅氏諸翁乃僊伯杖藜長松陰作
尉窮谷僻爲我炊雕胡逍遙展良覲坐久風頗
怒晚來山更碧相對十丈蛟歛翻盤渦坼何得
空裏雷殷殷尋地脉煙氛藹齒萃魍魎森慘戚
崑崙崆峒顛回首如不隔前軒頽反照巉絕華

嶽赤兵氣漲林巒川光雜鋒鏑知是相公軍鐵
馬雲霧積玉觴淡無味胡羯豈強敵長歌激屋
梁淚下流衽席人生半哀樂天地有順逆慨彼
萬國夫休明講征狄猛將紛填委廟謀畜長策
東郊何時開帶甲且未釋欲告清宴疲難拒幽
明迫三歎酒食傷何由似平昔

兩當縣吳十侍御江上宅
杜甫

寒城朝煙淡山谷落葉赤陰風千里來吹汝江
上宅鷓鴣號枉渚日色傷阡陌借問持斧翁幾

年長沙客哀哀失木狃矯矯避弓翮亦知故鄉
樂未敢思宿昔昔在鳳翔都共通金閨籍天子
猶蒙塵東郊暗長戟兵家忌間諜此輩常接跡
臺中領舉劾君必慎剖析不忍殺無辜所以分
黑白上官權舉與失意見遷斥仲尼甘旅人向
子識損益朝廷非不知閉口休歎息余時忝諍
臣丹陛實咫尺相看受狼狽至死難塞責行邁
心多違出門無與適於公負明義惆悵頭更白
劉先生閑居
儲光義

高第後歸道乃居玉華宮逍遙人間世不異浮
丘公甘寢何乘羽出門忽從戎方將遊崑崙又
欲小崆峒進退既在我歸來長安中焚香東海
君侍坐西山童善行無轍迹吾亦安能窮但見
神色閑中心如虛空期之比夫老真德輔帝鴻
李處士山居
君子盈天階小人甘自免方隨鍊金客林土家
絕巘背嶺花未開入雲樹深淺清晝猶自眠山
鳥時一轉

左僕射相國冀公東齋幽居

岑參

丞相百僚長兩朝居此官成功雲雷際翊聖天
地安不矜南宮意祇向東山看宅占鳳城勝牕
中雲嶺寬午時松軒夕六月藤齋寒玉珮胷女
蘿金印耀牡丹山蟬上衣桁野鼠緣藥盤有時
披道書竟日不着冠幸得趨省闈常欣在門闌
何當復持衡短翮期風搏

裴六書堂

王昌齡

閑堂閉空陰竹林但清響牕下長嘯客區中無
遺想經綸精微言兼濟當獨往

鴈塔

解彥融

崢嶸徹倒景刻峭俯無地勇進攀有緣卽嶮恐
迷墜宵然喪五蘊蠢爾懷萬類實際罔他尋波
羅必可致南山繚上苑祇樹連巖翠北斗臨帝
城扶宮切太清餐和禪日月味道懿天明綠野
冷風浹紫微佳氣晶駟禽演法要忍草藉經行
本願從茲適方知物世輕

光上座廊下衆山五韻

李頎

名嶽在廡下吾師居一牀每聞楞伽經只對清
翠光百谷聚雪色莓苔侵屋梁氣盤古壁轉勢
引幽壑長願遊薜葉下日見金鑪香

無盡上人東林禪居

李頎

草堂每多暇時謁山僧門所對但羣木終朝無
一言我心愛流水此地臨清源含吐山上日菽
麴松外村孤峯隔身世百衲老寒暄禪戶積朝
雪花龕來暮猿顧余世耕稼十載隱田園蘿篠

慰春汲巖潭恣討論洩雲豈知限至道莫探元
且願啓關鎖於焉微尚存

和薦福寺英公新構禪堂

上人久棄世中道自忘筌寂照出羣有了心清
衆緣所以於此地築館開青蓮果藥羅砌下煙
缸垂戶前呪中灑甘露指處流香泉神遠日無
事體清宵不眠枳聞廬山法松入漢陽禪一枕
西山外虛舟常浩然

大雲寺贊公房四首

杜甫

燈影照無睡心清聞妙香夜深殿突兀風動金
琅璫天黑閉春院地青棲暗芳玉繩回斷絕鐵
鳳森翱翔梵放時出寺鐘殘聲殷牀明朝在沃
野苦見塵沙黃

又

兒童汲井華慣捷瓶在手霑灑不濡地掃除似
無筵明霞爛複閣霽霧寒高牖側塞被徑花飄
颻委墀柳艱難世事迫隱遁佳期後晤語契深
心那能總鉗口奉辭還仗策暫別終回首泱泱

泥污人狎狎國多狗既未免羈絆時來憩奔走
近公如白雪執熱煩何有

又

心在水精域衣霑春雨時洞門盡徐步深院果
幽期到扉開復閉撞鐘齋及茲醍醐長發性飲
食過扶衰把臂有多日開懷無媿辭黃鶯度結
構紫鴿下呆愚意會所適花邊行自遲湯休
起我病微笑索題詩

又

細軟青絲履光明白氎巾深藏供老宿取用及
吾身自顧轉無趣交情何尚新道林才不世惠
遠德過人雨濕暮簷竹風吹青井芹天陰對圖
畫最覺潤龍鱗

張天師艸堂

常建

靈谿晏清宇傍倚枯松根花藥繞方丈瀑泉飛
至門四氣蔽炎熱兩崖改明昏夜深月暫皎亭
午朝始暎信是天人居幽幽寂無喧萬壑應鳴
磬諸峯接一覓遂登子因田生樽時節

開玉書宵映飛天言心化便無影目精焉累煩
忽而舉霄漢寥落空南軒
洗然弟竹亭
吾與二三子平生結交深俱懷鴻鵠志昔有鶴
鴿心逸氣假毫翰清風在竹林遠是酒中趣琴
上偶然音

漢陂西南臺

杜甫

高臺面蒼陂六月風日冷蒹葭離披去天水相
與永懷新目似擊接要心已領仿像織紋人空

蒙辨魚艇錯磨終南翠顛倒白閣影齒萃增光
輝乘陵惜俄頃勞生愧嚴鄭外物慕張邴世復
輕驂騶吾甘雜鼃黽知歸俗可忽取適事莫並
身退豈待官老來苦便靜況資菱芡足庶結茅
茨迴從此具扁舟彌年逐清景

香積寺禮拜萬迴平等二聖僧塔

王昌齡

真無御化來借有乘化歸如彼雙塔內孰能知
是非愚也駭蒼生聖哉爲帝師當爲時世出不

由天地資萬迴主此方平等性無違今我一禮
心億劫同不移肅肅松柏下諸天來有時

晚秋石門禮拜

閻防

輕策臨絕壁招提謁金仙舟車無遊徑崖嶠乃
屬天躑躅淹昃景夷猶望新弦石門變溟色谷
口主人煙陽鴈叫平楚秋風急寒川馳暉苦代
謝浮脆暫貞堅永欲卧丘壑息心依梵筵誓將
歷劫願無以外物牽

西陵口觀海

薛據

長江漫湯湯近海勢彌廣在昔坯混疑融爲百
川決地形失端倪天色瀆混漾東南除萬里極
目遠無象山影乍浮沉潮波忽來往孤帆或不
見棹歌猶想像日暮長風起客心空振蕩浦口
霞未收潭心月初上林嶼幾遭迴亭臯時偃仰
歲晏訪蓬瀛真遊非外獎

觀海

獨孤及

北登渤海島迴首秦東門誰尸造化功鑿此天
池源瀕洞吞百谷周流無四垠廓然混茫際望

見天地根白日自中吐扶桑如何捫超遙蓬萊
峯想像金臺存秦帝昔經此登臨冀飛翻揚旌
百神會望日羣山奔徐福竟何成美門徒空言
唯見石橋足千年潮水痕

和賀蘭判官望北作

高適

聖代務平典輜軒推上才迢遙溟海際曠望滄
波開四牡未遑息三山安在哉巨鼇不可釣高
浪何崔嵬湛湛朝百谷茫茫連九垓挹流納廣
大觀異增遲迴日出見魚日月圓知蚌胎跡非

想像到心以精靈猜遠色帶孤嶼虛聲涵殷雷
風行越裳貢水過天吳災櫬轡隼將擊忘機鷗
復來緣情韻騷雅獨立遺塵埃吏道竟殊用翰
林仍忝陪長鳴謝知己所媿非龍媒

登北固山望海

吳筠

北山鎮京口迴出滄海湄躋覽何所見茫茫朝
夕馳雲生蓬萊島日出扶桑枝萬里混一色焉
能分兩儀願言策煙駕縹緲尋安期揮手謝人
境吾將從此辭

望廬山瀑布水

李白

西登香爐峯南見瀑布水挂流三百丈噴壑數
十里歛如飛電來隱若白虹起初驚河漢落半
灑雲天裏仰觀勢轉雄壯哉造化功海風吹不
斷江月照還空空中亂濛射左右洗青壁飛珠
散輕霞流沫沸穹石而我樂名山對之心益閑
無論漱瓊液且得洗塵顏仍諧夙所好永願辭
人間

觀漢水

梁洽

發源自嶓冢東注經襄陽一道入溟渤別流爲
滄浪求思泳游女投吊悲昭王水濱不可問日
暮空湯湯

三川觀水漲二十韻

杜甫

我經華原來不復見平陸北上唯土山連天走
窮谷火雲無時出飛電常在目自多窮岫雨行
潦相逐蹙蒼翁甸川氣黃羣流會空曲清晨望高
浪忽謂陰崖路恐泥窟蛟龍登危聚麋鹿枯查
卷拔樹礪硯共充塞聲吹鬼神下勢閱人代速

不有萬穴歸何以尊四瀆及觀泉源漲反懼江
海覆漂沙坼岸去湫壑松柏禿乘陵破山門回
幹裂地軸交洛赴洪河及關豈信宿應沈數州
沒如聽萬室哭穢濁殊未清風濤怒猶蓄何時
通舟車陰風不黔黷浮生有蕩汨吾道正羈束
人寰難容身石壁滑側足雲雷屯不已艱險路
更踣普天無川梁欲濟願水縮因悲中流士未
脫衆魚腹舉頭問蒼天安得騎鴻鵠不可問日

谿漲

杜甫

當時浣花橋谿水纔尺餘白石明可把水中有
行車秋夏忽泛溢豈惟入吾廬蛟龍亦狼狽況
是鼈與魚茲晨已半落歸路跬步踈馬嘶未敢
動前有深填淤青青屋東麻散亂床上書不意
遠山雨夜來復何如我遊都市間晚憩必村墟
乃知久行客終日思其居

盛唐彙詩卷第四十

四唐彙詩百十

仁與君建明祠父子俱血食軒車每逶迤我來
薦蘋蘩感歎興此詞晨光上階闥殺氣翻旌旗
明明幽冥理至誠信莫欺唯夫二千石多慶方
自茲

題綦母校書所居

李頎

常稱挂冠吏昨日歸滄洲行客暮帆遠主人庭
樹秋豈伊問天命但欲爲山遊萬物我何有白
雲空自幽蕭條江海上日夕見丹丘生事非漁
釣賞心隨去留惜哉曠微月欲濟無輕舟倏忽

令人老相思河水流

題嵩山逸人元丹丘山居

并序李白

白久在廬霍元公近遊嵩山故交深情出處
無間巖信頻及許爲主人欣然適會本意當
冀長往不返欲便舉家就之兼書共遊因有
此贈

家本紫雲山道風未淪落沈懷丹丘志冲賞歸
寂寞竭來遊閩荒捫涉窮禹鑿夤緣泛潮海偃
蹇陟廬霍憑雷躡天窓弄景憇霞閣且欣登眺

美頗愜隱淪諾三山曠幽期四岳聊所託故人
契嵩頽高義炳丹雘滅跡遺紛囂終言本峯壑
自矜林湍好不羨朝市樂偶與真意并頓覺世
情薄爾能折芳桂吾亦采蘭若拙妻好乘鸞嬌
女愛飛鶴提攜訪神仙從此鍊金藥

題元丹丘潁陽山居

并序

李白

丹丘家于潁陽新卜別業其地北倚馬嶺連
峯嵩丘南瞻鹿臺極目汝海雲巖映鬱有佳
致焉自從之遊故有此作

仙遊渡潁水訪隱同元君忽遺蒼生望獨與洪
崖羣卜地初晦跡興言且成文却顧北山斷前
瞻南嶺分遙通汝海月不隔嵩丘雲之子合逸
趣而我欽清芬舉跡倚松石談笑迷朝曛終願
狎青鳥拂衣棲江濱

題元丹丘山居

李白

故人棲東山自愛丘壑美青春臥空林白日猶
不起松風清襟袖石潭洗心耳羨君無紛喧高
枕碧霞裏

題農夫廬舍

丘爲

東風何時至已綠湖上山湖上春旣早田家日
不閑溝塍流水處耒耜平蕪間薄暮飯牛罷歸
來還閉關

同羣公題鄭少府田家

高適

鄭侯應恓惶五十頭盡白昔爲南昌尉今作東
郡客與語多遠情論心知所益秋林旣清曠窮
巷空淅瀝蝶舞園更閒雞鳴日云夕男兒未稱
意其道固無適勸君且杜門勿歎人事隔

東歸留題太常徐卿草堂

岑參

不謝古名將吾知徐太常年纔三十餘勇冠西
南方頃曾策匹馬獨出持兩槍虜騎無數來見
君不敢當漢將小衛霍蜀將凌關張卿月益清
澄將星轉光芒復居少城北遙對岷山陽車馬
日盈門賓客常滿堂曲池蔭高樹小徑穿叢篁
江鳥飛入簾山雲來到牀題詩芭蕉滑對酒棕
花香諸將射獵時君在翰墨場聖主賞勳業邊
城最輝光與我情綢繆相知久芬芳忽作萬里

別東歸三峽長

寄題江外草堂

杜甫

我生性放誕雅欲逃自然嗜酒愛風竹卜居此
林泉遭亂到蜀江臥病遣所便誅茅初一畝廣
地方連延經營上元始斷手寶應年敢謀土木
麗自覺面勢堅臺亭隨高下做豁當清川雖有
會心侶數能同釣船干戈未偃息安得酣歌眠
蛟龍無定窟黃鵠摩蒼天古來賢達士寧受外
物牽顧惟魯鈍資豈識悔吝先偶攜老妻去慘

淡陵風煙事迹無固必幽貞愧雙全尚念四小
松蔓草易拘纏霜骨不甚長永爲鄰里憐

題武臨草堂

楊浚

草堂列仙樓上在青山頂戶外窺數峯堦前對
雙井雨來花盡濕風度松初冷登棧行不疲入
谿語彌靜云能去塵服兼欲事金鼎正直心所
存諂諛長自省適知幽遁趣已覺煩慮屏更愛
雲林間吾將臥南潁

題龔山人草堂

吳筠

世人負一美未肯甘陸沈獨抱匡濟器能懷真
隱心結廬邇城郭及到雲木深滅跡慕潁陽忘
機同漢陰啓戶面白水憑軒對蒼岑但歌考槃
詩不學梁父吟茲道我所適感君齊素襟勗哉
龔夫子勿使囂塵侵

京口題崇上人山亭

儲光羲

清旦歷香巖巖徑紆復直花林開宿霧遊目清
霄極分明牕戶中遠近山川色金砂童子戲香
飯諸天食叫叫海鴻聲軒軒江燕翼寄言清淨
者閭閻徒自踣

漣上題樊氏水亭

高適

漣上非所趣偶爲世務牽經時駐歸棹日夕對
平川莫論行子愁且得主人賢亭上酒初熟厨
中魚每鮮自說宦遊來因之居住偏煮鹽滄海
曲種稻長淮邊四時常晏如百日無饑年菱芋
藩籬下漁樵耳目前異縣少朋從我行復迤邐
向不逢此君孤舟已言旋明日又分手風濤還
眇然

題金陵王處士水亭

李白

王子耽玄言賢豪多在門好鷺尋道士愛竹嘯
名園樹色秀荒苑池光蕩華軒北堂見明月更
憶陸平原掃拭青玉簞爲余置金樽醉罷欲歸
去花枝宿鳥喧何時復來此再得洗囂煩

題杼山癸亭得暮字

顏真卿

杼山多幽絕勝事盈跬步前者雖登攀淹留恨
晨暮及茲紆勝引曾是美無度歛構三癸亭寔
惟陸生故高賢能勅物疏鑿皆有趣不越方丈

間居然雲霄遇巍峩倚脩岫曠望臨古渡左右
苔石攢低昂桂枝蠹山僧狎猿狖巢鳥來枳相
俯視何楷臺俯瞻戴顓路遲迴未能下夕照明
村樹

同家兄題渭南王公別業

蔡希寂

好閑知在家退跡何必深不出人境外蕭條江
海心軒車自來往空名對清陰川涘將釣玉鄉
亭期散金素暉射流瀨翠色緜森林曾爲詩書
癖寧惟耕稼任吾兄許微尚枉道來相尋朝慶

老萊服夕閑安道琴文章遙頌美寤寐增所欽
既鬱蒼生望明時豈陸沈

題崔山人別業

儲光羲

南陽隱居者築室丹谿源谿冷懼秋晏室寒欣
景暎山雞鳴菌閣水霧入衡門東嶺或舒嘯北
窻時討論封君渭川竹逸士漢陰園何必崆峒
上獨爲堯所尊

題豫章館

崔國輔

楊柳映春江江南轉佳麗吳門綠波裏越國青

山際遊宦常往來津亭暫臨憩驛前蒼石沒浦
外湖砂細向晚宴且平孤舟罔然逝雲留西北
客氣歇東南帝獨有萋萋心誰知怨芳歲

題漢州西湖

房瑁

高流纏峻隅城下緬丘墟決渠信浩蕩潭島成
江湖結宇依迴渚水中信可居三伏氣不蒸四
達暑自徂同人千里駕鄰國五馬車月出共登
舟風生隨所如舉麾指極浦欲極更盤紆繚繞
各殊致夜盡情有餘遭亂意不開卽理還暫祛

安得長晤語使我憂更除

紀南陵題五松山

李白

聖達有去就潛光愚其德魚與龍同池龍去魚
不測當時版築輩豈知傳說情一朝雨殷人光
氣爲列星伊尹生空桑指庖佐皇極桐宮放太
甲攝政無愧色三年帝道明委質終輔翼曠哉
至人心萬古可爲則時命或大謬仲尼將奈何
鸞鳳忽覆巢麒麟不來過龜山蔽魯國有斧且
無柯歸來歸去來宵濟越洪波

登翅頭山題儼公石壁

包融

晨登翅頭山山曛黃霧起却瞻迷向背直下失
城市瞰日銜東郊朝光生邑里掃除諸煙氛照
出衆樓雉青爲洞庭山白是太湖水蒼茫遠郊
樹倏忽不相似萬象以區別森然共盈几坐令
開心胃漸覺落塵滓北巖千餘仞結廬誰家子
願陪中峯遊朝暮白雲裏

題江湖莊壁

萬楚

田家喜秋熟歲晏林葉稀禾黍積場圃楮梨垂

戶扉野閑犬時吠日暮牛自歸時復落花酒茅
齋堪解衣

題隨州紫陽先生壁

李白

神農好長生風俗久已成復聞紫陽客早署丹
臺名喘息餐妙氣步虛吟真聲道與古仙合心
將元化并樓疑出蓬海鶴似飛玉京松雪牕外
曉池水階下明忽耽笙歌樂頗失軒冕情終願
惠金液提攜凌太清

早春過士嶺寄題硤石裴丞廳壁

蕭穎士

出硤寄趣少晚行偏憶君依然向來處官路谿
邊雲竑路豈不劇能無俗累紛槐陰永未合泉
聲細猶聞彌歎春罷酒
從此分登高望城
入斜影半風薰

同羣公題中山寺

高適

平原十里外稍稍雲巖深遂及清淨所都無人
世心名僧旣禮謁高閣復登臨石壁倚松徑山
田多栗林超遙盡巘嶢逼側仍嶮嶽吾欲休世

事於焉聊自任

題栖霞寺

綦毋潛

南山勢廻合靈境依此住殿轉雲崖陰僧探石
泉度龍蛇爭翕習神鬼皆密護萬壑奔道場羣
峯向雙樹天花飛不着水月白成路今日觀身
我歸心復何處

題鶴林寺

綦毋潛

道林隱形勝向背臨層霄松覆山殿冷花藏谿
路遙珊珊寶幡挂焰焰明燈燒遲日半空谷春

風連上潮少憑水木興暫令身心調願謝攜手
客茲山禪誦饒

題江夏靜脩寺

李白

我家北海宅作寺南江濱空庭無玉樹高殿坐
幽人書帶留青草琴堂幕素塵平生種桃李寂
滅不成春

題栖霞寺

張暈

躋險入幽林翠微含竹殿泉聲無休歇山色時
隱見潮來雜風雨梅落成霜霰一從方外遊頓

覺塵心變

題思禪寺上方

獨孤及

谿口聞法鼓停撓登翠屏攀雲到金界合掌開
禪肩鬱律衆山抱空濛花雨零老僧指香樓云
是不死庭眇眇于越路茫茫春草青遠山噴百
谷繚繞馳東溟目極道何在境照心亦冥騁然
諸根空破結如破瓶下視三界狹但聞五濁腥
山中有良藥吾欲隳天形

題辯覺精舍

儲光羲

朝隨秋雲陰乃至青松林花閣空中遠方池巖
下深竹風亂天語谿響成龍吟試問真君子遊
山非世心

題眇上人禪居

儲光羲

真王清淨子燕居復行心結宇隣居邑寤言非
遠尋丹青丈室滿草樹一庭深秀色玄冬發交
枝白日陰江流映朱戶山鳥鳴香林獨住已寂
寂安知浮與沈

題終南翠微寺空上人房 孟浩然

翠微終南裏雨後宜返照閉關久沈冥杖策一
登眺遂造幽人室始知靜者妙儒道雖異門雲
林頗同調兩心相喜得畢景共談笑暝還高牕
眠時見遠山燒緬懷赤城標更憶臨海嶠風泉
有清音何必蘇門嘯

題華嚴寺瓌公禪房

岑參

寺南幾十峯峯翠晴可掬朝從老僧飯昨日崖
口宿錫杖倚枯松繩牀映深竹東谿草堂路來
往行自熟生事在雲山誰能復羈束

題神力師院

李頎

大師神傑貌五嶽森禪房堅持日月珠豁見滄
江長隨病拔諸苦致身如法王階庭藥草徧飯
食天花香樹色向高閣晝陰橫半墻每聞第一
義心淨琉璃光

題太玄觀

儲光羲

門外車馬喧門裏宮殿清行卽翳若木坐卽吹
玉笙所喧旣非我真道其冥冥

題應聖觀

儲光羲

空中望小山山下見餘雪皎皎河漢女在茲養
真骨登門駭天書啓籙問仙訣池光搖水霧燈
色連松月合塲起花臺折草成玉節天雞弄白
羽玉母垂玄髮北有上年宮一路在雲霓上心
方嚮道時復朝金闕

題辛道士房

儲光羲

全神不言命所尚道家流迨此遠南楚遂令思
北遊先生秀衡嶽玉立居玄丘門帶江山靜房
隨瑤草幽逍遙三花發罔象五雲浮自有太清

紀曾垂草髮憂大年方橐籥小智卽蜉蝣七日
赤龍至莫令余獨留

題盧道士房

李頎

秋砧響落木共坐茅君家惟見兩童子林前汲
井華空壇靜白日神鼎飛丹砂塵尾拂霜草金
鈴搖霽霞上章人世隔看奕桐陰斜稽首開仙
宴黃精堪餌花

題孟中丞茅閣

元結

小山爲郡城隨水能縈紆亭亭最高處今是西

南隅杉大老猶在蒼蒼數十株垂陰滿城上枝
葉何扶踈乃知四海中遺事誰謂無及觀茅閣
成始覺形勝殊憑軒望熊湘雲榭連蒼梧天下
正炎熱此然水雪俱客有在中坐頌歌復何如
公欲舉遺材如此佳木歟公方庇蒼生又如斯
閣乎請達謠頌聲願公自踟躕

冀州客舍酒酣貽王綺寄題南樓

岑參

夫子傲常調詔書下徵求知君欲謁帝秣馬趨

西周逸足何駸駸美聲實風流學富瞻清詞下
筆不能休君家一何盛赫奕難爲儔伯父四五
人同時爲諸侯憶昨始相值值君客貝丘相看
復乘興攜手到冀州前日在南縣與君上北樓
野曠不見山白日落草頭客舍梨花繁深花隱
鳴鳩南鄰新酒熟有女彈箜篌醉後或狂歌酒
醒滿離憂主人不相識此地難淹留吾廬終南
下堪與王孫遊何當肯相尋澧上一孤舟

題鐵門關樓

岑參

鐵關天西涯極目少行客關門一小吏終日對
石壁橋跨千仞危路盤兩崖窄試登西樓望一
望頭欲白

述降觀

儲光義

一山盡天苑一峯開道宮道花飛羽衛天鳥遊
雲空玉殿俯玄水春旗搖素風夾門小松柏覆
井新梧桐自昔太仙下乃知元化功神皇作桂
館此意與天通

述華清宮五首

儲光義

上在蓬萊宮莫若居華清朝朝聞玄閣日日聞
體輕大聖不私已精禪爲羣氓

又

上出蓬萊時六龍儼齊首長道舒羽儀彤雲映
前後天聲殷宇宙真氣到林藪

又

昔在軒轅朝五城十二樓今我神泉宮獨在驪
山瓠羣芳趨順動百辟隨天遊

又

正月開陽和通門緝元化穆穆睟容歸豈爲明
燈夜高山大風起蕭蕭隨龍駕

又

上林神君宮此地卽明庭山開鴻濛色天轉招
搖星三雪報大有孰謂非我靈

盛唐彙詩卷第四十一

四唐彙詩百十一

盛唐彙詩卷第四十二

四唐彙詩二百十二

新都 吳勉學 編輯

江晏如 校訂

五言古體

題詠

琴

王昌齡

孤桐秘虛鳴朴素傳幽真髣髴絃指外遂見初
古人意遠風雪苦時來江山春高宴未終曲誰
能辯經綸

題合歡

李頎

開花復卷葉豔眼又驚心蝶遶西枝露風披東
幹陰黃衫漂細藥時拂女郎砧

題僧房雙桐

李頎

青桐雙拂日傍帶凌霄花綠葉傳僧磬清陰潤
井華誰能事音律焦尾蔡邕家

石上藤

岑參

石上生孤藤弱蔓依石長不逢高枝引未得凌
空上何處堪託身為君長萬丈

早梅

孟浩然

園中有早梅年例犯寒開少婦曾攀折將歸插
鏡臺猶言看不足更欲剪刀裁

段宥廳孤桐

王昌齡

鳳皇所宿處月映孤桐寒槁葉零落盡空柯蒼
翠殘虛心誰能見直影非無端響發調尚苦清
商勞一彈

庭橘

孟浩然

明發覽羣物萬木何陰森凝霜漸水庭橘似

懸金女伴爭攀摘 窺礙葉深並生憐共蒂相
示感同心骨刺紅羅被香粘翠羽簪擊來玉盤
裏全勝在幽林

詠槿二首

李白

園花笑芳年池草豔春色猶不如槿花嬋娟玉
堦側芬榮何天促零落在瞬息豈若瓊樹枝終
歲長翕絕

又

世人種桃李皆在金張門攀折爭捷徑及此春

風喧一朝天霜下榮耀難久存安知南山桂綠
葉垂芳根清陰亦可託何惜樹君園

南軒松

李白

南軒有孤松柯葉自緜幕清風無閑時瀟灑終
日夕陰生古苔綠色染秋煙碧何當凌雲霄直
上數千尺

詠鄰女東牕海石榴

李白

曾女東牕下海榴世所稀珊瑚映綠水未足比
光輝清香隨風發落日好鳥歸願爲東南枝低

舉拂羅衣無由共攀折引領望金扉

櫻拂子

杜甫

櫻拂且薄陋豈知身效能不堪代白羽有足除
蒼蠅熒熒金錯刀擢擢朱絲繩非獨顏色好亦
用顧盼稱吾老抱疾病家貧臥炎蒸唾膚倦撲
滅賴爾甘服膺物微世競棄義在誰肯徵三歲
清秋至未敢闕緘滕

麗春

百草競春華麗春應最勝少須顏色好多謾枝

條剩紛紛桃李枝處處總能移如何此貴重却
怕有人知

丁香

杜甫

丁香體柔弱亂結枝猶墊細葉帶浮毛疎花披
素艷深裁小齋後庶近幽人占晚隨蘭麝中休
懷粉身念

山行見鵲巢

蔣冽

鵲巢性本高更在西山木朝下清泉戲夜近明
月宿非直避網羅兼能免傾覆豈憂五陵子挾

彈來相逐

粲公院各賦一物得初荷 李頎

微風和衆草大葉長圓陰晴露珠共合夕陽花
映深從來不着水清淨本因心

李兵曹壁畫山水各賦得桂水帆

李頎

片帆浮桂水落日天涯時飛鴈看共度閑雲相
與遲長波無曉夜泛泛欲何之

禱詠五首

儲光羲

石子松

盤石青巖下松生盤石中冬春無異色朝暮有
清風五臘何人采西山舊兩童

駕簷藤

得從軒墀下如勝松柏林生枝逐架遠吐葉向
門深何許荅君子簷間朝暝陰

池邊鶴

舞鶴傍池邊水清毛羽鮮立如依岸雪飛似向
池泉江海雖言曠無如君子前

釣魚灣

垂釣綠灣春
春深杏花亂
潭清疑水淺
荷動知魚散
日暮待情人
維舟綠楊岸

幽人居

幽人下山徑
去去夾青林
滑處莓苔濕
暗中蘿薜深
春朝煙雨散
猶帶浮雲陰

溫湯對雪

玄宗

北風吹同雲
同雲飛白雪
白雪乍迴散
同雲何慘烈
未見溫泉水
寧知火井滅
表瑞良在茲
庶

幾可怡悅

春宵覽月

閻寬

月生東荒外
天雲收夕陰
愛見澄清景象
吾虛白心耳目
靜無譁神超
道性深乘興
得至樂寓言
因永吟

同韓四薛三東亭翫月

高適

遠遊悵不樂
茲賞吾道存
欵曲故人意
辛勤清夜言
東亭何寥寥
佳境無朝昏
堦墀近洲渚
戶牖當郊原
矧乃窮周旋
游時怡討論
樹陰蕩瑤

盛唐詩集 卷四十一
瑟月氣延清樽明河帶飛鴈野火連荒村對此
更愁予悠哉懷故園

聽鄭五愔彈琴

孟浩然

阮籍推名飲清風滿竹林半酣下衫袖拂拭龍
唇琴一杯彈一曲不覺夕陽沈予意在山水聞
之諧夙心

張山人彈琴

常建

君去芳草綠西峯彈玉琴豈惟丘中賞兼得清
煩襟朝從山口還出嶺聞清音了然雲霞氣照

見天地心玄鶴下澄空翩翩舞松林改絃扣商
聲又聽飛龍吟稍覺此身妄漸知仙事深其將
鍊金鼎永以投吾簪

秋夕聽羅山人彈三峽流泉

岑參

皤皤岷山老抱琴鬢蒼然衫袖拂玉徽爲彈三
峽泉此曲彈未半高堂如空山石林何颼颼忽
在牕戶間繞指弄鳴咽青絲激潺湲演漾恣楚
雲虛徐韻秋煙疑兼陽臺雨似襍巫山猿幽引

鬼神聽淨令耳目便楚客腸欲斷湘妃淚斑斑
誰裁青桐枝絙以朱絲絃能舍古人曲遞與今
人傳知音難再逢惜君方老年曲終月已落惆
悵東齋眠

月夜聽盧子順彈琴

李白

閑坐夜明月幽人彈素琴忽聞悲風調宛若寒
松吟白雪亂纖手綠水清虚心鍾期久已沒世
上無知音

聽尹練師彈琴

吳筠

至樂本太乙幽琴和乾坤鄭聲久亂雅此道稀
能尊吾見尹仙翁伯牙今復存衆人乘其流夫
子達其源在山峻峯峙在水洪濤奔都忘邇城
闕但覺清心魂代乏識微者幽音誰與論

高樓夜彈箏

常建

高樓百餘尺直上江水平明月照人苦開簾彈
玉箏山高猿狖急天靜鴻鴈鳴曲度猶未終東
峯霞半生

江上聞笛

王昌齡

橫笛怨江月扁舟何處尋聲長楚山外曲遶胡
關深相去萬餘里遙傳此夜心寥寥浦溆寒響
盡惟幽林不知誰家子復奏邯鄲音水客皆擁
棹空霜遂盈襟羸馬望北走遷人悲越吟何當
邊草白旌節隴城陰

金陵聽韓侍御吹笛

李白

韓公吹玉笛倜儻流英音風吹繞鍾山萬壑皆
龍吟王子停鳳管師襄掩瑤琴餘韻渡江去天
涯安可尋

白田馬上聞鶯

李白

黃鸝啄紫椹五月鳴桑枝我行不記日誤作陽
春時蠶老客未歸白田已繰絲驅馬又前去捫
心空自悲

聽楊氏歌

杜甫

佳人絕代歌獨立發皓齒滿堂憐不樂響下青
虛裏江城帶素月况乃清夜起老夫悲暮年壯
士淚如水玉杯久寂寞金管迷宮徵勿云聽者
疲愚智心盡死古來傑出土豈待一知已吾聞

昔秦青傾側天下耳

夜聽許十一誦詩愛而有作

杜甫

許生五臺賓業白出石壁余亦師粲可身猶縛
禪寂何階子方便謬引爲匹敵離索晚相逢包
蒙欣有擊誦詩渾遊衍四座皆辟易應手看揮
鈎清心聽鳴鏑精微穿溟滓飛動摧霹靂陶謝
不枝梧風騷共推激紫鸞自超詣翠駁誰剪剔
君意人莫知人間夜寥闐

同馬太守聽九思法師講金剛經

高適

吾師晉陽寶傑出山河最途經世諦間心到空
王外鳴鐘山虎伏說法天龍會了義同建瓴梵
法若吹籟深知億劫苦善喻恒沙大捨施割肌
膚攀緣去親愛招提何清淨良牧駐輕蓋露冕
衆香中臨人覺苑內心持佛印久標割魔軍退
願開初地因永奉彌天對

槐葉冷陶

杜甫

青青高槐葉采掇付中厨新麪來近市汁滓宛
相俱入鼎資過熟加餐愁欲無碧鮮俱照筋香
飯兼苞蘆經齒冷於雪勸人投比珠願隨金騾
裹走置錦屠蘇路遠思恐泥興深終不渝獻芹
則小小薦藻明區區萬里露寒殿開冰清玉壺
君王納涼晚此味亦時須

盛唐彙詩卷第四十二

盛唐彙詩卷第四十三

四唐彙詩二百二十三

新都

吳勉學編輯

江晏如校訂

五言古體

題詠

畫鵲行

杜甫

高堂見生鵲颯爽動秋骨初驚無拘攣何得立
突兀乃知畫師妙巧刮造化窟寫此神俊姿充
君眼中物烏鵲澁樛枝軒然恐其出側腦看青

霄寧爲衆禽沒長翮如刀劔人寰可超越乾坤
空崢嶸粉墨且蕭瑟緬思雲沙際自有煙霧質
吾今意何傷顧步獨紆鬱

述韋昭應畫犀牛

儲光羲

遐方獻文犀萬里隨南金大邦彙遠人以之居
山林食棘無秋冬絕流無淺深雙角前斬斬三
蹄下駸駸朝賢壯其容未能辯其音有我哀烏
郎新邑長鳴琴陞閣飛嘉聲丘甸盈仁心閑居
命國工作繪北堂陰眈眈若有神庶比來儀禽

昔有舞天庭爲君奏龍吟

觀江淮名勝圖

王昌齡

刻意吟雲山尤知隱淪妙遠公何爲者再詣臨
海嶠而我高其風披圖得遺照援毫無逃境遂
展千里眺淡掃荆門煙明標赤城燒青葱林間
嶺隱見淮海徼但指香爐頂無聞白猿嘯沙門
旣云滅獨往豈殊調感對懷拂衣胡寧事漁釣
安期始遺鳥千古謝榮耀投跡庶可齊滄浪有
孤棹

劉相公中書江山畫障

岑參

相府徵墨妙揮毫天地窮始知丹青筆能奪造化功瀟湘在簾間廬壑橫座中忽疑鳳皇池暗與江海通粉白湖上雲黛青天際峯晝日恒見月孤帆如有風巖花不飛落澗草無春冬擔錫香鑪緇釣魚滄浪翁如何平津意尚想塵外蹤富貴心獨輕山林興彌濃喧幽趣頗異出處事不同諸君爲蒼生未可追赤松

瑩禪師房觀山海經

李白

真僧閉精宇滅跡舍達觀列障圖雲山攢峯入霄漢丹崖森在目清晝疑卷幔蓬壺來軒牕瀛海入几案煙濤爭噴薄島嶼相凌亂征帆飄空中瀑水灑天半崢嶸若可陟想像徒盈歎杳與真心冥遂諧靜者翫如登赤城裏揭步滄洲畔卽事能娛人從茲得消散

楊監又出畫鷹十二扇

杜甫

近時馮紹正能畫鷲鳥樣明公出此圖無乃傳其狀殊姿各獨立清絕心有向疾禁千里馬氣

敵萬人將憶昔驪山宮冬移含元仗天寒大羽
獵此物神俱王當時無凡材百中皆用壯粉墨
形似間識者一惆悵干戈少暇日真骨老崖嶂
爲君除狡兔會是翻鞴上

殿中楊監見示張旭草圖 杜甫

斯人已云亡草聖秘難得及茲煩見示滿目一
淒惻悲風生微綃萬里有古色鏘鏘鳴玉動落
落羣松直連山蟠其間溟漲與筆力有練實先
書臨池真盡墨俊拔爲之主暮年思轉極未知

張王後誰並百代則嗚呼東吳精逸氣感清識
楊公拂篋笥舒卷忘寢食念昔揮毫端不獨觀
酒德

通泉縣署屋壁後薛少保畫鶴

杜甫

薛公十一鶴皆寫青田真畫色久欲盡蒼然猶
出塵低昂各有意磊磊如長人佳此志氣遠豈
惟粉墨新萬里不以力羣遊森會神威遲白鳳
態非是倉鷓鄰高堂未傾覆幸得慰佳賓曝露

牆壁外終嗟風雨頻赤霄有真骨耻飲洿池津
冥冥任所適脫略誰能馴

觀薛稷少保書畫壁

杜甫

少保有古風得之陝郊篇惜哉功名忤但見書
畫傳我遊梓州東遺跡涪江邊畫藏青蓮界書
入金牘懸仰看垂露姿不崩亦不騫鬱鬱三大
字蛟龍岌相纏又揮西方變發地扶屈椽慘澹
壁飛動到今色未填此行疊壯觀郭薛俱才賢
不知千載後誰復來通泉

觀李九少府翥樹宓子賤神祠碑

高適

吾友吏茲邑亦嘗懷宓公安知夢寐間忽與精
靈通一見興永歎再來激深衷賓從何逶迤二
十四老翁於焉建層碑突兀長林東作者無愧
色行人感遺風坐令高岸盡獨對秋山空片石
勿謂輕斯言固難窮龍盤色絲外鵲顧偃波中
形勝駐羣目堅貞指蒼穹我非王仲宣去矣徒
發蒙

同觀陳十六史與碑

并序

高適

楚人陳章甫繼毛詩而作史與碑遠自周末
迨乎隋季善惡不隱蓋國風之流未藏名山
刊在樂石僕美其事而賦是詩焉

荆衡氣偏秀江漢流不歇此地多精靈有時生
才傑伊人今獨步逸思能間發永懷掩風騷千
載常矻矻新碑亦崔嵬佳句懸日月則是刊石
經終然繼檣杙我來觀雅製慷慨變毛髮季主
盡荒淫前王徒貽厥東周既削弱兩漢更淪沒

西晉何披猖五胡相唐突作歌乃彰善比物仍
惡訐感歎將謂誰對之空咄咄

就道士問周易參同契

王昌齡

仙人騎白鹿髮短耳何長時余采菖蒲忽見嵩
之陽稽首求丹經乃出懷中方披讀了不悟歸
家問稽康嗟余無道骨發我入太行

求崔山人百丈崖瀑布圖

李白

百尺素崖裂四山丹壁開龍潭中噴射晝夜生
風雷但見瀑泉落如深雲漢來聞君寫真圖島

嶼備榮迴石黛刷幽草曾青澤古苔幽緘儻相
傳何必向天台

太子張舍人遺織成褥段 杜甫

客從西北來遺我翠織成開緘風濤湧中有掉
尾鯨逶迤羅水族瑣細不足名客云充君褥承
君終宴榮空堂魑魅走高枕形神清領客珍重
意顧我非公卿留之懼不祥施之混柴荆服飾
定尊卑大哉萬古程今我一賤老短褐更無營
煌煌珠宮物寢處禍所嬰歎息當路子干戈尚

縱橫掌握有權柄衣馬自肥輕李鼎死岐陽實
以驕貴盈來瑱賜自盡氣豪直阻兵皆聞黃金
多坐見悔吝生奈何田舍翁受此厚貺情錦鯨
卷還客始覺心和平振我麤席塵媿客茹藜羹

詠史

王昌齡

荷畚至洛陽胡馬屯北門天下裂其土豺狼滿
中原明夷方濟世歛翼黃埃昏披雲見龍顏始
蒙國士恩位重謀亦深所舉無遺奔長策寄臨
終東南不可吞賢智苟有時貧賤安所論唯然

嵩山老而後知我言

詠史十一首

李華

昂藏獬豸獸出自太平年亂代乃潛伏縱人爲
禍愆嘗聞斷馬劍每壯朱雲賢身死名不滅寒
風吹墓田精靈如有在幽憤滿松煙

又

漢皇脩雅樂乘輿臨太學三老與五更天王親
割牲一人調風俗萬國和且平單于驟款塞武
庫欲銷兵文物此朝盛君臣何穆清至今墳壇

下如有簫韶聲

又

巢許在嵩頽陶唐不得臣九州尚洗耳一命安
能親緜邈數千祀丘中誰隱淪朝遊公卿府夕
是山林人蒲帛揚側陋薜蘿爲縉紳九重念入
夢三事思降神且設庭中燎寧窺泉下麟

又

漢時征百粵楊僕將樓船幕府功未立江湖已
騷然島夷非敢亂政暴地仍偏得罪因懷璧防

身輒控弦三軍求裂土萬里詎聞天魏闕心猶
在旗門首已懸如何得良吏一爲制方圓

又

秦滅漢帝興南山有遺老危冠揖萬乘幸得厭
征討當君逐鹿時臣等已枯槁寧知市朝變但
覺林泉好高臥三十年相看成四皓帝言翁甚
善見顧何不早咸稱太子仁重義亦尊道側聞
驪姬事申生不自保暫出商山雲謁來趨灑掃
東宮成羽翼楚舞傷懷抱後代無其人戾園滿

秋草

又

日照崑崙上羽人披羽衣乘龍駕雲霧欲往心
無違此山在西北乃是神仙國靈氣皆自然求
之不可得何爲漢武帝精思徧羣山糜費巨萬
計宮車終不還蒼蒼茂陵樹足以戒人間

又

天生忠與義本以佐雍熙何意李司隸而當昏
亂時古墳襄城野斜徑橫秋陂况不禁樵采茅

莎無子遺高標尚可仰
精爽今何之一忤中常
侍銜寃誰見知常觀黨
錮傳撫卷不勝悲

又

文侯耽鄭衛一聽一忘餐
白雪燕姬舞朱絃趙女
彈淫聲流不返怕蕩日
無端獻歲受朝時鳴鐘
讌百官兩牀陳管磬九
奏殊未闌對此唯恐臥
更能整衣冠

又

蜀主相諸葛功高名亦尊
驅馳千萬衆怒目瞰

中原曹伯任公孫國亡身不存
社宮久蕪沒白鴈猶飛翻
勿言君臣合可以濟黎元
爲蜀諒不易如曹難復論

又

六國韓最弱末年尤畏秦
鄭生爲韓計且欲疲秦人
利物可分社原情堪減身
咸陽古城下萬頃稻苗新

又

沂水春可涉泮宮映楊葉
麗色異人間珊珊搖

佩環展禽恒獨處深巷生禾黍城上飛海雲城
中暗春雨適來鳴佩者復是誰家女泥沾珠綴
履雨濕翠毛簪電影開蓮臉雷聲飛蕙心自言
沂水曲采萍兼采綠歸逕雖可尋天陰光景促
憐君貞且獨願許君家宿徒勞惜衾枕子不顧
雙娥豔質誠可重淫風如禮何周王惑褒姒城
闕成陂陁

覽史

張良璞

享年八十已歷數窮蒼生七虎門源上咆哮關

內鳴建都用鶉宿設險因金城舜曲煙火起汾
河珠翠明海雲引天仗朔雪留邊兵作孽人怨
久其亡鬼信盈素靈感劉季白馬從子嬰昏虐
不務德百代無芳聲

覽古六首

吳筠

聖人重開濟明道欲救時孔席不暇暖墨突何
嘗緇與言振頽綱將以有所維君臣恣淫惑風
俗日凋衰三代業遽隕七雄遂交馳庶物墜塗
炭區中若焚絲秦皇燎儒術方冊靡子遺大漢

歷五葉斯文復崇推乃驗經籍道與世屯同夷
弛張固天意設教安能持

又

棟宇代巢穴其來自三皇跡生固爲累經始增
百王瑤臺旣滅夏瓊室復殞商覆車世不悟秦
氏興阿房繼踵逃反正漢家崇建章力役弊萬
人壞奇殫八方狗志仍未極促齡已云亡侈靡
竟何在荆榛生廟堂

又

吾觀采苓什復感青蠅詩讒佞亂忠孝古今同
所悲姦邪起譖害骨肉相殘夷漢儲殞江充晉
嗣滅驪姬天性猶可間君臣固其宜子胥烹吳
鼎文種斷越鉞屈原沈湘流厥戚咸自貽何不
若范蠡扁舟無還期

又

魯侯祈正術尼父從棄捐漢主思英雄賈生被
排遷始皇重韓子及覩乃不然漢武喜相如旣
徵復忘賢遺遠世咸爾賤今理共然方知古來

主難以效當年
晁錯抱遠策爲君納良規削彼諸侯權永用得
所宜姦臣負舊隙乘釁謀相危世主竟不辯身
戮宗且夷漢景稱欽明濫罰猶如斯比干與龍
逢殘害何足悲

又
聖人垂大訓奧義不苟設天道殃頑兇神明佑
懿哲斯言猶影響安得復回穴鯨叟誕英睿唐

虞育昏孽盜跖何延期顏生乃短折魯隱全克
讓禍機遂潛結楚穆肆巨逆福柄奚赫烈田常
弒其主作國久罔缺管仲存霸功世祀成詭說
漢氏方版蕩羣閹恣邪譎蹇蹇陳蕃徒孜孜抗
忠節誓期區宇靜爰使兇醜絕謀協事靡從俄
而反誅滅古來若茲類紛擾難盡列道遐理微
茫誰爲我昭晰吾將詢上帝寥廓詎躋轍已矣
勿用言忘懷庶自悅

覽古三首

興亡道之運否泰理所全奈何淳古風既往不
復旋三皇已散樸五帝初尚賢王業與霸功浮
僞日以宣忠誠及但詐殺混安可甄餘智入九
霄守愚淪重泉永懷巢居時感涕徒泫然
食其昔未偶落魄爲狂生一朝君臣契雄辯何
縱橫運籌康漢業憑軾下齊城旣以智所達還
爲智所烹豈若終貧賤酣歌本無營

又

絳侯成大績賞厚位仍尊一朝對獄吏榮辱安
可論蘇生佩六印奕奕爲殃源主父食五鼎昭
昭成禍根李斯佐二辟巨釁鍾其門霍孟翼三
后伊戚及後昆天人忌盈滿茲理固永存方知
得意者何必乘朱輪滅景栖遠壑弦歌對清樽
二疏返海濱蔣詡歸林園瀟灑去物累此謀誠
足敦

讀後漢逸人傳二首

張謂

子陵沒已久讀史思其賢誰謂潁陽人千秋如

比肩嘗聞漢皇帝曾是曠周旋名位苟無心對
君猶可眠東過富春渚樂此佳山川夜臥松下
月朝看江上煙釣時如有待釣罷應忘筌生事
在林壑悠悠經暮年于今七里瀨遺迹尚依然
高臺竟寂寞流水空潺湲
龐公南郡人家在襄陽里何處徧來往襄陽東
陂是誓將業田種終得保妻子何言二千石乃
欲勸吾仕鸛鵲巢茂林鼃鼃穴深水萬物從所
從吾心亦如此不見鹿門山朝朝白雲起采藥
復采樵優游終暮齒

盛唐彙詩卷第四十三

益州梁詩卷四十三

在林登悠悠經歲年
高臺竟寂寞流水空流

又

雁公南郡人家在襄陽

鄭采蘇麴粉絲暮齒

錦香公亦改出不見

馬樂堂



